

Leiðbeiningar fyrir vínveitingastaði, krár og spilasali vegna COVID-19

Dregið úr hættu á COVID-19 kórónuveiru smiti



- Gæta vel að hreinlæti, þvo hendur reglulega með sápu og nota handspritt. Forðast snertingu við augu, nef og munn.



- Hósta og hnerra í krepptan olnboga eða í pappír þegar um kvefeinkenni er að ræða.



- Forðist náðið samneyti við einstaklinga með hósta og almenn kvefeinkenni.



- Sýna aðgát í umgengni við algenga snertifleti á fjölförnum stöðum, s.s. handrið, lyftuhnappa, snertiskjái, greiðsluposa og hurðahúna.



- Heilsa frekar með brosi en handabandi eða faðmlagi.

Efnisyfirlit

1. Eftirfarandi á við um alla starfsemi þar sem fólk kemur saman.....	3
2. Veitingasala.....	3
3. Grundvallarsmitgát.....	4
4. Þrif umhverfis	4
5. Fræðsla til starfsmanna vegna COVID-19	5
6. Ef eitthvað er óljóst	5
7. Frekari upplýsingar um COVID-19	5
8. Viðaukar	5

1. Eftirfarandi á við um alla starfsemi þar sem fólk kemur saman

Áhersla er lögð á að hver og einn beri ábyrgð á eigin athöfnum og að: „**Við erum öll almannavarnir**“. Rekstraraðilar eru beðnir að skrá hjá sér hve mörgum gestum þeir geta tekið á móti og skoða sérstaklega flöskuhálsa svo sem anddyri og salerni. Þar eru þrengslin mest.

Rekstraraðilar eru beðnir að fara að eftirfarandi leiðbeiningum við tilslakanir á samkomubanni stjórnvalda og telja gesti staðarins og tryggja þannig að fjöldi í hverju rými fari ekki umfram reiknað hámark miðað við stærð húsnæðis og ákvörðunar heilbrigðisráðuneytis um hámarksfjölda einstaklinga í sama rými á hverjum tíma (200 einstaklingar frá og með 7. sept). Hver salur er eitt rými og hvert herbergi er eitt rými.

Hámarksfjöldi á hverju svæði, innan- sem utanhúss, skal vera í samræmi við ákvörðun heilbrigðisráðuneytis og skulu upplýsingar um það vera aðgengilegar starfsmönnum og gestum.

Nánar um rými.

Almenna reglan er að vínveitingastaðir, krár og spilasalir eru opnir öllum daglega til kl. 23:00 og öll hefðbundin starfsemi má fara af stað svo fremi sem gestir séu upplýstir um sóttvarnaráðstafanir og að fjöldi gesta fari ekki yfir leyfilegt hámark samkvæmt auglýsingu heilbrigðisráðuneytis á hverjum tíma.

Allir gestir sem og starfsmenn eru hvattir til að viðhalda 1 metra fjarlægðarreglu í samskiptum við aðra. Rekstraraðili tryggir að hver einstaklingur geti haldið 1 metra fjarlægð frá öðrum.

Nánari upplýsingar:

1. Rekstraraðili tryggir að upplýsingaskilti almannavarna um ábyrgð gesta gagnvart eigin smitvörnum sé sýnilegt gestum á skjá eða á prenti.
2. Einstaklingar mega ekki koma inn á vínveitingastaði/krár/spilasali ef þeir:
 - a. Eru í [sóttkví](#).
 - b. Eru í [einangrun](#) (einnig meðan beðið er niðurstöðu sýnatöku).
 - c. Hafa verið í einangrun vegna COVID-19 smits og ekki eru liðnir 14 dagar frá útskrift.
 - d. Eru með einkenni (kvef, hósta, hita, höfuðverk, beinverki, þreytu, kviðverki, niðurgang o.fl.).
3. Rekstraraðili þrífur samkvæmt venju og strýkur yfir skilgreinda snertifleti a.m.k. tvisvar á dag með sápulegi/sóttþreinsandi efni.
4. Rekstraraðili tryggir að fjöldi einstaklinga í hverju rými fari ekki yfir skilgreint hámark samkvæmt auglýsingu heilbrigðisráðuneytis á hverjum tíma.
5. Rekstraraðili tryggir eins og best verða má að hægt sé að virða 2ja metra valkvæð nándarmörk hvers einstaklings og tryggir aðstöðu fyrir þá sem vilja halda 2ja metra fjarlægðarmörkum.
6. Rekstraraðili tryggir auðvelt aðgengi að handþvottaaðstöðu og handspritti.
7. Rekstraraðili tryggir að skráðar séu [upplýsingar um viðbrögð starfsmanna ef grunur vaknar um COVID-19 smit á starfsvæði](#).

2. Veitingasala

Almenna reglan er að veitingasala innan vínveitingastaða/kráa/spilasala má vera opin samkvæmt venju svo fremi sem gestir eru upplýstir um sóttvarnaráðstafanir og að fjöldi gesta í veitingarými fari ekki yfir leyfilegt hámark samkvæmt auglýsingu heilbrigðisráðuneytis á hverjum tíma. Frekari leiðbeiningar um [veitingasölu í heimsfaraldri](#) má finna á vef Ferðamálastofu.

3. Grundvallarsmitgát

Ávallt skal viðhafa grundvallarsmitgát gagnvart öllu fólki, hvort sem það virðist vera veikt eða ekki.

Í grundvallarvarúð gegn sýkingum í samfélaginu sem alltaf á að vera í gangi felst m.a. eftirfarandi:

- Almenn handhreinsun, þ.e. handþvottur eða notkun handspritts (ef handþvottur er ekki mögulegur) eftir snertingu við mengað yfirborð og áður en unnið er með matvæli.
- Gæta hreinlætis við hósta og hnerra með því að halda fyrir vitin á meðan hóstað er með bréfpurrku, sem er hent strax að notkun lokinni í rusl og hendur þvegnar á eftir.
- Notað hlífðarbúnað (hanska) ef snerta þarf hugsanlegt smitefni t.d. blóð, hægðir, uppköst eða hráka. Þrífa þarf slíkt strax og ganga tryggilega frá því í lokaðan poka og setja í sorp og vera með hanska við verkið. Taka hanskana strax af að notkun lokinni og þvo eða spritta hendur.
- Gæta að almennum þrifum milli manna og í umhverfi.
- Gæta varúðar við meðhöndlun beittra og oddhvassra nála og áhalda til að fyrirbyggja stunguóhöpp.
- Ganga tryggilega frá sorpi í lokaðum poka.

4. Þrif umhverfis

Í COVID-19 faraldrinum er lögð mikil áhersla á að þrífa umhverfi vandlega því smitefnið frá þeim sem eru hugsanlega sýktir getur breiðst út við hósta og hnerra og hniðið á yfirborð í umhverfinu. Einnig er margt annað smitefni sem getur borist milli manna. Því er mikilvægt að allir gæti að hreinlæti og að umhverfið, húsgögn og borðbúnaður sé vel þrifið daglega með sápuvatni og strokið yfir snertifleti eftir notkun með sótthreinsandi lausn (umhverfisspritt 85%, bleikiklórblanda 500–1000 ppm, Virkon 1%).

Höfðað er til gesta og starfsfólks að þvo hendur vandlega fyrir og eftir dvöl/spilamennsku og rjúfa með því smitleið sýkla sem koma á hendurnar úr umhverfinu.

Nánar:

- Hver vinnveitingastaður/krá/spilasalur skal vera með skriflega áætlun um reglubundin þrif.
- Húsnæði og öll aðstaða skal þrifið daglega samkvæmt starfsleyfisskilyrðum og oftast ef við á. Notað til þess búnað sem hægt er að þvo og þurrka eftir hverja notkun. Dagleg þrif eru með hreinu sápuvatni og hreinum búnaði.
- Gólfefni og frágangur húsnæðis skal vera þannig að þrif séu auðveld.
- Gestir spilasala strjúka yfir skilgreinda snertifleti fyrir og eftir leiki (umhverfisspritt 85%, bleikiklórblanda 500–1000 ppm, Virkon 1%).
- Yfirborðshreinsun er gerð ef smitefni (blóð, hægðir, uppköst eða hráki) fer í umhverfið. Þá er smitefnið fyrst tekið upp með pappír og það sett í ruslapoka, síðan þvegið yfir með sápuvatni og látið þorna áður en storkið er yfir með sótthreinsunarefni. Notað eitthvað af eftirtöldum sótthreinsiefnum til verksins: Umhverfisspritt 85%, bleikiklórblanda 500–1000 ppm, Virkon 1%.

5. Fræðsla til starfsmanna vegna COVID-19

Eftirfarandi upplýsingar um COVID-19 verði felldar inn í fræðslu til allra starfsmanna vinnustöðanna/kráa/spilasala sumarið 2020.

1. Hvaða veira það er sem veldur COVID-19.
2. Helstu smitleiðir veirunnar á milli manna.
3. Það sem hægt er að gera til að varna því að smit berist á milli manna.
4. Fyrstu viðbrögð starfsmanna ef grunur vaknar um smit innan vinnustaðar, [sjá hér](#).
5. Hvar hægt er að finna frekari upplýsingar um COVID-19.

6. Ef eitthvað er óljóst

Vinsamlega sendið fyrirspurnir netspjall á www.covid.is

Heilbrigðiseftirlit sveitarfélagsins gefur einnig upplýsingar en það veitir starfsleyfi og sinnir reglubundnu eftirliti með krám/spilasölum.

7. Frekari upplýsingar um COVID-19

- landlaeknir.is
- covid.is

8. Viðaukar

1. [Lög um hollustuhætti og mengunarvarnir nr. 7/1998](#)
2. [Leiðbeiningar til framlínustarfsmanna í atvinnulífinu. Hér má finna leiðbeiningar um þrif á vinnustöðum og farartækjum til fólksflutninga í COVID-19 faraldri](#)
3. [Önnur starfsleyfiskilyrði. Umhverfisstofnun](#)